

度

支

奏

議

度支奏議目錄

堂稿十卷

恭進戰馬疏

奸細放火被燒未收商草疏

新兵額數宜確軍需職掌宜明疏

回奏新庫短少銀兩疏

題照磨萬鍊督餉疏

叅司官李希衛放糧不明疏

馬草甚艱斤重宜定疏

庫貯將竭憂危無計疏

改差滿總理督餉司官疏

通薊密鎮折色通融支用疏

遵旨查明援兵實數疏

覆津門允支長蘆鹽課疏

開具軍興糧料請寬限疏

火箭飛放入倉疏

兵餉急需權宜設法疏

設法轉輸外解以濟軍興疏

請開三門放糧料疏

凍糧收斂已多撥兵防守宜亟疏

題議津門分發鹽課疏

議買京薊料草疏

措發延綏關寧援兵月餉疏

責成道府嚴催外解疏

欽奉 聖諭疏

奏繳十二月分京軍續支行糧疏

奉 旨開報軍興錢糧疏

再議陸運漕糧事宜疏

欽奉 聖諭勸助車輛疏

度支奏議卷之十

太子少保戶部尚書淄青畢自嚴視草

恭進戰馬疏

題爲欽奉

聖諭恭進戰馬以備征勦事本月十一日恭奉

御札傳總提協目今各軍需馬甚急外解不至爾等
可傳示勲戚文武諸臣如有堪用戰馬駝騾不拘
匹數速交內監分發軍前急用事平敘賚欽此又
司禮監續傳

聖諭勲戚文武進馬騾還傳他速連鞍轡齊來欽此
欽遵該臣等照得犬羊匪茹深入犯順大兵旣
集殄滅可期但虜之長技在騎必須馬軍乃足
制其死命睠茲新募之營原無額設之馬固寺
旣空於徵發外解又阻於途梗徒步操戈何能
取勝

皇上爲各軍圖萬全之計示諸臣以急公之誼苟抱
同仇敢愛髮膚惟是京城管馬之外所蓄私馬
無多緣城門之旣扃致市販之維艱卽有家廐

下駟亦鮮堪充戰陣臣與倉場督臣及左右三
侍郎率各司官殫厥心力各捐已貲多方招買
僅得馬三十一匹。騾三頭。鞍轡俱全。雖愧望雲
錦之羣亦聊佐軍興之乏蓋一念狗馬之心不
容自己非敢徼

恩於敘賚爲也所有進馬官員姓名開列疏後伏惟
聖明勅下該監查收施行

計開

太子少保戶部尚書畢自嚴進馬四疋

總督倉場戶部尚書孫居相進馬一疋

戶部左侍郎錢春

戶部右侍郎曹珍

戶部右侍郎康新民

以上各進馬一疋

浙江司郎中吳鳴虞

山東司郎中范鏞

山西司郎中王肇生

河南司郎中黃道敬

湖廣司郎中董爲

福建司郎中成珍

廣西司員外米世發

雲南司員外林一柱

山西司主事邢泰吉

雲南司主事馮世熙

河南司主事劉 鎬

江西司主事陳觀陽

山西司主事李 綦

河南司主事戴 金

湖廣司主事宋治寧

山西司主事劉賜桂

浙江司主事李不伐

山東司主事姬文郁

雲南司員外鄭抱素

雲南司主事張 堪

雲南司主事竇 星

雲南司主事朱萬年

以上各進馬一匹

廣西司郎中王復興

雲南司主事趙建極

廣東司主事王國祚

以上各進庫一頭

通共馬三十一疋羸三頭

崇禎二年十二月十五日具

題本月十八日奉

聖旨卿等率屬助進馬羸鞍轡具見念切急公着該
監查收給發欽此

奸細放火被燒未收商草疏

題爲奸細放火被燒未收商草事據本部監督象
房草場山西司主事吳起龍呈前事內稱職自
逆奴發難以來晝夜住宿草場督率官槽庫程
等役不時巡緝罔敢少懈不意本月十三日遵
奉堂諭押運草束至

宣武門黑夜方回本日戌時陡見象房煙起奔人
場內有商人堆積未經驗收草三處近門一處
火發一面率衆救撲不致延蔓一面令本場庫

秤李成楊德澤等擒拿奸細、遵守城軍喊稱有
衣白者踰牆而入、當獲二名、隨被捕管鎖去、
人不知名姓、其見在奸細、職已詳審、供稱孫光
國、伊父監生孫應奎、係浙江紹興府餘姚縣人、
住陶家衙衙、自帶極細紙砲、同夥吳繼芳、袖藏
火藥、從本場東角越牆而進、用香燃砲、繼芳隨
以火藥撒上、究問主使、供稱係孔秀才、住絨線
衙衙、隨令班役協同坊官密拿外、商人未收新
草被焚、救下燒殘散草、難以數計、草場失事、職

何敢避罪但躬親巡緝未敢稍怠奸細俟職運
草遂爾竊發非職意料所及也其專管巡緝則
有錦衣衛百戶齊端學草場副使王遇春縣丞
攢典趙鍾繡及巡邏庫斗楊福澤等五名內
商人王尚瑞等六名外巡商人王福等六名
甲劉忠等九名巡軍王奎等四十名俱有典
之責理合具繇呈報等因該臣等看得自有奴
難以來倉廩草場屢厯

明旨申飭防範巡緝臣部遵奉頒布真不啻三令而

五申矣乃茲復有象房草場失火之事殊可驚異查得主事吳起龍承委監督象房安仁西坡等三草場諸凡懲奸剔蠹俱屬爲政而錦衣衛百戶齊端學本場副使王遇春則皆象房局內之官與吳主事均有典守之責者也頃自象房門庭援兵四集徵發驛騷臣慮起龍一人應接不暇防範難周乃委主事丁明登協理西城坊支放草束蓋欲使之併心一力謹備非常而小意其尚有好細投間抵隙而入也據起龍稱

晝夜住宿場旁似非怠緩從事有偶因押運出門遂致奸徒跳牆竊發夫場牆內外不有巡軍巡商庫斗總甲諸人在乎且起龍押運矣百戶齊端學副使王遇春當日何往而坐令巡邏諸人疎虞至此乎所幸被燒之草爲數似未甚夥又係商人私買待納之物未經具領官銀其於公家無大損失而奸細孫光國當場擒獲陰謀既敗賊膽自寒揆情度法或可稍贖前愆於萬一耳然當此城守戒嚴之日不有懲前何以戒後

除商人已虧資本姑免深求巡軍事干人衆姑
行該管責究外合無將百戶齊端學從重議革
副使王遇春庫斗總甲人等提問正罪卽主事
吳起龍雖身在押運情有可原而旣任監督之
職自不得不爲法受過亦宜罰俸示懲策勵供
職庶規後效至於奸細孫光國據招有籍貫居
停又有同夥吳繼芳主盟孔秀才窟穴散布實
煩有徒所當亟

勅法司嚴加鞫訊直窮到底者也

崇禎二年十二月十五日具

題本月二十日奉

聖旨齊端學着從重革處巡軍該管責懲餘俱已
有旨該衙門知道欽此

新兵額數宜確軍需職掌宜明疏

題爲新兵額數宜確軍需職掌宜明謹據實披陳
仰祈

聖裁事准副協理京管戎政兵部右侍郎劉之綸咨
爲緊急新兵餉銀事內稱兵將需餉甚急前業
咨取餉銀三萬兩貴部止先發一萬兩今本部
已將官軍數目開報相應請給未發餉銀二萬
兩以資急需又接之綸手扎稱雖奉

明旨錢糧器甲馬匹等項着與該部從長議處如衣

纓不出貴部懇卽題明且代之綸一明苦心等
因到臣該臣等看得戎馬生郊軍容入國有
之士義不以虜遺

君父新協臣輟中秘而事戎行一念請纓之誠豚魚
可極臣部義切同舟敢不悉索敝賦以從案查
先於十一月二十日准劉之綸咨稱賊奴犯順
非招募武健不足收羣策羣力之用煩處給銀
一萬兩爲軍前便宜急需俟事平銷算臣隨
刻解發銀一萬兩已經題奉

聖旨這所奏給過劉之綸銀兩并新兵糧草數目知道了咨到立發具見急公還預圖接濟毋致匱乏該部申飭行欽此是臣與之綸區區共濟之心皇上已鑒知之矣續于十二月初七日又准劉之綸咨稱諸事草創束伍未明額數難定合無暫給餉銀一萬兩少散一二以收其心臣亦如前照數解發蓋遵

明旨預圖接濟毋致匱乏故先發後題不敢株候兵數以掣協臣之肘也及查本月初八日接到戶

科抄出副協理京營兵部右侍郎劉之綸
恭報師期等事奉

聖旨施洪謨等管兵及關外川兵各有統領劉之綸
動支新餉一萬兩募見兵若干名及應用器甲等
項還具冊奏聞加級俟有功題請該部知道欽此
臣等仰見

聖明睿慮周詳欲以臣部所發之綸之銀核之綸見
募之兵且使臣部確知兵數以便措餉真不實
若推心置腹者顧臣部二次解過之綸之銀實

已二萬而不止一萬之綸今咨所開但及其後而偶遺其前耳據之綸移臣新兵數目止略約七千五百並無花名文冊數尚未確卽就此七千五百大數而準以兵餉常額臣部原發二萬之銀業已足供踰月之支未至匱乏惟是之綸與臣扎中所云衣甲器械未有着落一物未具不可以戰安得不大其聲而疾呼者不知臣部職掌只管月餉行糧若衣裝則當問之兵部器械則當問之工部臣部此時太倉旣已如洗外

解又復難前方懼溺于職之內。又安能及于職之外。臣不及今亟爲道破。則之綸望臣之心。已。臣又究竟不能越俎以應其求。之綸滿腔激憤。何時發歸之綸欲臣題明代白苦心。臣安敢無說而處於此。伏乞

皇上勅令之綸速具新兵花名文冊移會臣部。使臣部給餉有憑。不至無端虛糜。并

勅兵工二部措給衣裝器甲。庶共成協臣之美。蚤奏捷伐之功矣。

崇禎二年十二月十六日具

題本月十七日奉

聖旨這新兵名數着便彙冊轉部以憑給餉併兵
兩部查給衣裝器用欽此欽此

回奏新庫短少銀兩疏

題爲欽奉

上傳事該戶科抄出叅佐軍務山東道監察御史金
聲奏前事內稱臣叅軍不該經手錢糧申甫前
後祇領

帑銀甫以軍務倥偬未遑總筭軍中缺餉蒙

旨委戶部着司餉官一員戶部批發浙江解官周儒
銀一萬兩隨同新調監督主事趙炯當堂秤兌
正擬運解出城接邸報續有折色

內帑銷算之

旨欽此封不敢動檄催申甫奏

請定奪今本月初十日辰時有

御前中使申朝用欽奉

上傳立等發銀出城回奏欽此臣又不敢違謹將原

貯戶部解到銀一萬兩秤少共四十兩實止九

千九百六十兩卽刻差官伯事兆發運出城訖

爲此具本謹具奏

聞崇禎二年十二月十一日奉

聖旨知道了金聲叅佐軍務還須往來營中錢糧出
納兼可查覈不得盡委差官這短少銀兩戶部查
奏該衙門知道欽此欽遵抄出到部查奏間復據
管餉山西清吏司主事馬禎忭呈稱蒙堂劄委
管協理劉之綸新餉今有本部解到餉銀十鞘
共二百錠重九千九百二十兩原係浙江委官
周儒所解遼餉尚未經庫驗收當日眼同衆將
領每鞘抽一錠燒紅鑿開沿邊鑽鉛烏黑連抽
三鞘三錠皆同協理刻日出師諸將領銀甚急

只得設法分散整數以未經火色之原錠給發
零數取中心白淨處添搭、已經陸續發過一半
但恐諸將退有後言職不敢容隱負疚理合據
實呈報以憑查叅仍留兩錠一錠鑿開一錠未
鑿開繳堂貯庫留爲後驗等因到部隨據浙江
解官布政司經歷周儒呈爲懇乞查驗銀封印
識原情超豁事儒係元年到任二年八月內蒙
本司董布政委解遼餉七萬七千餘兩艱辛
狀甫得到京候交今蒙本部分發原銀一萬兩

令交金監軍處又一萬兩充給副協埋新兵口
餉其監軍處共折銀四十兩俱已如數補訖協
理處共折銀兩亦赴補足但鑿鑿三錠稱係銀
色低潮蒙管餉馬主事具呈本部見蒙查究切
思前銀皆係各州縣彙解布政司總解上有州
縣鑒記底有布政司印封當堂入鞘交發起解
銀色高低職皆不知今蒙馬主事鑿開低銀原
係各縣原銀伏乞行文布政司查究責有攸歸
職免貽累等情到部該臣等查得各省直解到

銀兩向係秤兌入庫轉行發解以致出入輕重
易滋多口管解者每有賠償之懼筭鑰者思避
瓜李之嫌臣於是設爲兌支之法令省直解官
與關鎮領餉委官面相秤兌司庫止於驗平存
簿中外稱便頃據浙江布政司經歷周儒解利
遼餉七萬七千餘兩內以一萬發叅軍御史金
聲一萬發協理侍郎劉之綸各充兵餉仍令本
解將原鞘運到彼處自交遵兌支之成法也今
據金聲奏稱一萬之內兌少四十兩蓋係原鞘

短少之數例應解官自行照數補足今已同掛
欠協理劉之綸銀兩一一補明無容別議惟是
銀色低潮似有不容置而不問者臣初聞之定
以爲解官作弊及查驗原錠州縣鐫刻分明錠
底印封具存以與洋官無干復據臣部司官馬
禎咨持整錠銀與鑿碎銀并賁呈驗銀兩瑩白
光淨非下火鑿拆亦無從窺其作偽之處豈獨
本解不及知卽藩司縣令亦無從知也率皆傾
銷銀匠藐視

國法朦朧作奸以至於此第目下軍餉正急未便
提質再查周儒所解之銀除發過五萬七千餘
兩外尚存一萬九千餘兩合應行令新委管庫
主事陳觀陽傳喚銀匠面同解官認記州縣逐
錠鑒鑒驗其色之足者留用低者傾銷計其虧
拆之數卽行該布政司行原解州縣照數補解
方准掣批其原傾銀匠相應計贓問罪盡法究
處以儆將來庶

國家命脉閭閻脂膏不爲奸猾所侵漁也伏乞

命下臣部創行新餉銀庫并行浙江布政司一體遵
奉施行

崇禎二年十二月十七日具

題本月二十日奉

聖旨是欽此

題照磨萬鍊督餉疏

題爲遵

旨特差督餉司官以資撻伐事本年十二月十六日
接戶科抄出該總理都督滿桂題爲出師有期
恭請

嚴旨以鼓入玩之軍心並懸重賞以作臨陣之士氣
事奉

聖旨大兵征進有期爾膺總理重任會同諸將調度
方略策勝萬全仍申明紀律各總兵奇正犄角一

體論功觀望不前奏聞重處副將以下遵勅從事
戶部便委才力司官一員前去督餉賞功銀兩
布准遣內臣掌管軍士當先斬獲立刻給發如有
違犯卽行正法務須號令齊一賞罰嚴明三軍
奮一鼓成功尤世威暫移策應還與兵部速商
發該衙門知道欽此欽遵抄出到部除事關各
門者聽各衙門遵行外其督餉司官相應遵
爲照醜虜長驅所向披靡

聖明特簡大將昇以總理之任羣力羣策悉歸統

一戰蕩平端在此舉、旣需督餉之官以佐飽騰
之用、臣部敢弗遴才而使、查得本部照磨萬鍊
才守雙優、膽力俱壯、堪膺斯任、且歷俸已久、亦
應陞轉之期、合無加陞本部山東司添註主事、
委令專管總理兵餉事務、至於轉輸一應事宜、
聽本官與總理酌議妥確呈報、臣部以憑措處、
接濟庶綜覈有人、當無憂芻糗之不繼矣、伏祈
勅下吏部將照磨萬鍊加陞本部山東司添註主事、
臣部照例給劄、委令專管總理兵餉事務、俟其

慶遠府志
著有勞績事平一體敘錄施行

崇禎二年十二月十七日具

題本月十八日奉

旨該部司官尚多便速委廉幹的一員去這添註
不必行欽此

叅司官李希衛放糧不明疏

題爲司官放糧不明官常大玷謹據實糾叅祈

賜處分以重倉庾事竊照今之倉庾空匱極矣漕運
旣已愆期軍興復爾耗費卽一顆一粒皆萬姓
之膏血而軍

國之命脉也不知煩

聖明幾許焦勞費

國家多少物力而後得入太倉此其出納宜何如
慎者臣部屢經申飭面命耳提俾令樽節愛惜

至再至三而不意有西新倉監督雲南司主事
李希衛其踪跡閃爍支放侵漁之狀殊可駭
先是本月十三日希衛具呈到部內稱偶患
疾不能放糧請官暫署臣念希衛素強無恙
忽以疾告或者疾病人所時有也惟是各倉
日輸粟餉軍城內城外日以千百石計不便
誤又因臣部各官差用殆盡姑令陞任郎中
自成暫署次日自成來見備言倉中諸事如
衙役被東廠拘執一時星散苦辭不管臣乃

委見任浙江司主事丁明登署管因而廉訪始
知希衛聽信積書禹本芳積阜薛明旺彭門丁
等串同歇家魏良佐脚子冒進禮等表裏為奸
私買盜賣賸有煩言致為軍士所挾因而譴除
臣實不勝嫉惡一念正擬具疏糾劾間續接積
衛呈詞內稱奴酋深入辦運糧餉內外六門以
及滿申二帥軍餉不啻萬餘近者運價三分遠
者運價五分共該銀四百四十五兩前後領太
倉銀僅二百八十兩多寡昭然此時欲請腳價

則誤在餽欲辦糧運則匱在錢勢處兩難查米
倉有土米一節可以應手職徑動數千石以充
前運期於兩利而已初擬事後方報不必瑣
詎意二豎爲殃伏枕呻吟東廠不察遂將青
拘審義出於公職可不辨事干錢糧始末當
職急奉公而短料事則徑情直遂之罪萬不敢
辭等因據此查得該倉所用腳價臣部常比各
倉多發一倍卽有匱乏自可請之臣部未嘗吝
恡不給也何至賣倉米以作腳價耶此其通同

侵盜之情曲爲捭飾真覺欲盖而彌彰矣當此
國計空匱軍興旁午之時方將捐貲以殺賊而乃
瘠

國以肥家有人心者當不至此卽盜賣多寡之數
事出微曖難以懸斷而已儼然自具一供狀矣
利令智昏任猫鼠之同眠

國有盜臣恣侵漁而罔忌合行叅究伏祈

勅下法司速提希衛及一千衙役人等依律究問則
三尺明而倉政肅矣

崇禎二年十二月十七日具

題本月二十日奉

聖旨李希衛革了職着錦衣衛鞫了究問具奏其餘
倉場通行嚴緝該衙門知道欽此

馬草甚艱斤重宜定疏

題爲馬草轉輸甚艱斤重宜定敬瀝苦衷仰懇

聖鑒以供軍興事臣聞竭力致身臣子大義自賊虜
深入以來臣堂屬皆一人而兼庖俎一手而畫
方員百劇千辛未遑縷指卽馬草一事據監督
主事李不伐等向臣控籲有備極苦楚者臣竊
在京草場凡六處管軍援卒咸責解運每運動
輒千萬餘束所需腳價甚夥而守候交卸常多
滯滯車脚視應募如入阱委厚直而不顧此車

輓之難於催覓也。重城七門，內城東西北六門，各有援兵，草束自草場至運所，近者十里，遠則二三十里，冬日晷短而

正陽等三門辰啓未開，閱三時而竣一運，尚竭厥力。恐後，此時日之難於刻晷也。京軍有定衛而撥兵徵調不常，今日東運，明日忽轉之西，內外交遞多不相值，展轉偵尋，屢致稽遲。此運地之難於遷徙也。草價舊例不踰三分，而運價計車糶提縋等費，或四五文至七八文不等，視本價三

分之一而贏取之公則耗費多端取之私則賠累尤苦此腳價之難於措處也。總之草體輕浮草場遼遠援兵所需不貲一車所載幾何且途間之竊取強取束手交於各營之呼小呼遇口可懼頃本月十五日偶因大雪極寒兼遇小車爲兵車人皆縮步臣部所用車脚皆逆去欲覓一車不可得依稀斷運臣惶怖欲死亟派十三司官自率其胥役背負肩挑各運一千五百束臣一班一皂俱爲運草之人各屬各司

俱兼運草之任而猶未免接濟如舊也輸
地官役奔命亦良苦矣然臣部不敢辭苦且
一事頗長一議有目前急須酌議者近日援
草束總城而下止於論束折算不論斤重但
者十四五斤可作一束少者僅四五斤亦作
一束是多寡無定數也援兵強者得十四五
斤至二十斤僅作一束弱者雖四五斤亦作
一束是苦樂殊不均也倉場

舊制雖以十五斤作數然積貯日久每垛必

層耗費實多臣詢之慣飼馬者云每馬每日除料豆外得草十斤不啻足矣近據

左安門管理行糧司官廣東司主事王國祚稟稱會同該門提督中貴酌議每草定爲十斤一車似覺得中夫各場發草原多車夫有憚推運而減損者中途有遭強橫而擄取者各軍有因草有餘烘火造飯煮料槩用草束而猶析算不休者徒費腳價無裨實用論束而不論斤何所據以爲憑今議一以斤重爲主每馬給草一束務

重十斤其各場中聞地下堆積厚至尺許狼藉
可惜亟宜募人捆束各以十斤爲率而又計
里遠近以定腳價多寡及至城上司官以此
重抽驗卽縋城運將官亦照此數查收收庶幾
杜糜費之端而各營亦得霽實惠矣至於援兵
在外勢必縋運京營馬軍原不登岸卽今緊急
遊防豈無一日之暇合無令其照常赴附近
場支領可也又各營伍馬匹有倒斃損傷者
令不時具報以便博省銷算良以物力艱難

轉輸不易耳伏惟

聖明裁眷施行

崇禎二年十二月二十日具

題本月二十三日奉

聖旨草運艱難覽奏具悉撥兵續集急須調度計兵
依議京營馬軍附近支須着總提協酌行該衙門
知道欽此

庫貯將竭。勢危無以疏。

題爲庫貯將竭。誠氛未息。臣部憂危無計。願懇
聖明速賜鑒裁。事自開。敝至今。已五十日矣。常餉
檄急如星火。屢屢。

明旨令臣措備接應。毋致匱乏。臣實司計。敢不惟力
是視。顧臣所能者。酌盈以佐虛。那寬以就急。而
已。虛而無可酌。極急而無可那。而欲使臣點鐵
成金。無米爲炊。臣計畫無復之矣。當羽書初至
之時。臣夜召莞庫司官。發解衝邊及薊密昌易。

等處月餉計可二十餘萬。蓋欲資戍卒之飽。收掃蕩之奇功。則垣牆既固。門庭自可無虞。夫遵城不守。而騎薄城。其來蹂躪如入無人。外鮮邊輸。南北梗塞。不知各鎮庚癸之呼。但如而臣卽鞭長。豈能及馬腹哉。是在門庭城守爲重。約京營登陴遊防之卒。以十餘萬計。援兵以三萬計。新兵以二萬計。日費不下萬金。而將來者尚源源未已也。昨太倉管庫主事馮世傑揭報空訕之形。臣已據實入告蒙

皇上許臣新餉舊餉通融支發并借別項庚給今
舊餉庫冊開自十月二十九日起至十二月十
五日止發過外解并借動老庫農桑漕折京糧
等項通共放過銀五十九萬三千二百三十一
九錢五分零止見存庫銀三萬一千六百五
餘兩又京糧庫銀三萬餘兩及已發各鎮米出
庫銀一萬兩新餉庫冊報自十月二十九日起
至十二月十五日止發過新餉銀三十二萬九
千四百九十六兩二分零今止實存庫銀二千

三百兩零。并解官寄庫鞘銀四萬六千餘兩。已
發各鎮未出庫銀二萬兩。合新舊二庫。已共銀
銀九十餘萬兩。所存庫銀僅十餘萬兩。而臣所
廊庫所收各衙門捐助銀項。隨收隨發。約有
千二百餘兩。不與焉。以五十日軍興。費近百萬。
而驅勦尚未有期。區區見存十餘萬金。不
過足支十日糧耳。興言及此。心膽俱碎。竊思臣
部錢穀一銖一粒。皆仰給于外解。雖屢奉

明旨。着臣行催。并令經過州縣設法防護。然

斥如此

都門以外行旅久斷。譏而南已陷之城邑勿論。
卽未見虜一騎者亦不免風聲鶴唳之恐。加以
潰卒奸徒所在搶掠不減賊寇。近者紅夷砲且
到涿州。遣數千兵護運。猶不能前。况錢糧在途。
易啓戎。州邑快壯僅百十數。村落居民強半
逃亡。而欲責之護解錢糧以達。

京師臣有以知其萬萬不能也。夫庫藏旣如懸罄。
外解又屬西江。幸旦夕解嚴則可不然。此城

內外十數萬糧甲櫓戈之士臣部連日供億
奉驕子且懼其有後言有如一呼焉而無以應
不惟臣身未知死所而

國家之禍將有不可言者矣臣不得不早爲披陳
仰請

聖裁速爲議處者也臣草疏甫畢又據管庫主事
世熙呈稱太倉下體更不同於新庫額設
馬錢糧按月而索時刻難稽外有各項雜支
緒紛沓亦必循例而應今庫藏空匱已極而

銀者時訕猶欲舉盈職不得已曾具揭通投欽
將俸銀一事少需時且候淮課到日補完尚未
知肯見諒否惟是衛弁諸人素有布絹二季俸
銀舊例布俸在本年十二月支絹俸在次年二
月間支今各弁以夷氛孔熾亦備城守遂統欽
領出職已那給布俸共支過一萬七千四百餘
兩而各衛弁尚索絹俸不休查例此項
該四萬一千餘兩誠恐供應不前而紛囂難杜
也該臣聞此益用不寒而栗合無請乞明示凡

一切官俸及諸不係軍馬錢糧一切暫需時且
以佐軍興之急誠爲便計亦可以稍救然費太
萬分一耳伏惟

聖明詳啓頒布

勅旨遵奉施行

崇禎二年十二月二十日具

題本月二十三○奉

聖旨兵餉急需爾部嚴催外鮮權宜設法務期接濟
俸絹等項依議傳與各衙門知道欽此

改差滿總理督餉司官疏

題爲遵

旨特差督餉司官以資撻伐事先該臣部於十二月
十七日具題前事奉

聖旨該部司官尚多便速委廉幹的一員去這添註
不必行欽此竊照督餉一官原爲重任而今日督
餉又與往昔不同必局幹足以理財氣魄足以
吞虜又與師中主帥臭味孚合乃可勝委任而
資飽騰臣前日所選本部照磨萬鍊志切請纓

才堪治賦生長邊關素稱文武世家久爲臣衙
門中翹楚以本官而委之行間臣愚固選擇而
使遂不暇計加陞添註之多一轉折也欽承

天語乃始爽然自失汲汲皇皇別求廉幹之員以仰
副

聖明鄭重睿思但臣部雖稱多官而職掌各有分屬
除見在額差不算外卽各門管理內外行糧及
添設運草各差便計三十餘人此外實無剩員
而總理之督餉臣又不敢草草充數也今查得

山東司主事姬文郁才守幹濟素以廉能著聲
見在經管

永定門撥兵行糧則此差固其職掌且職銜亦無
埃另議題改責之督餉其籌計必有可觀合無
仰候

聖裁俯賜任用總之前後差委臣愚但求濟事非敢
有一毫成心私見於其間也

崇禎二年十二月二十日具

題

房
大
君
商

聖
音

通薊密鎮折色通融支用疏

題爲通薊軍興需餉臣部匱絀難支謹酌議通融
動用以資接濟事該戶科抄出巡按直隸董羽
宸方大任題爲軍需急缺那用無門乞

勅下部速賜措給事奉

聖旨這通餉折色速與措給接濟該部知道欽此又
該通州知州盧承業奏爲州庫懸罄等事奉

聖旨通州援兵四集供應煩劇庫藏空虛盧承業力
任搜括各部可借的卽與覆行該部知道欽此又

該勦遼總督劉策題爲欽奉

聖諭事

聖旨知道了遵城旣無勁虜陷將猶可招徠劉策著
卽調兵收復糧餉照常接濟該衙門知道又該勦
遼總督劉策題爲擒獲首逆等事奉

聖旨這擒獲首逆張萬春王允中張斗光卽便招審
正法梟示金日觀委署路將查果稱任卽與實校
新推另用鄉民劉守約量行獎賞該路四提俱復
懲賊亟當勦除劉策密速調度恢復仍與輔臣承

宗約會協圖萬全取勝攻守需餉並急設法護
速行接濟該部知道欽此又該薊遼總督劉策題
爲馬松二路已平等事奉

聖旨該協二路悉平遵城恢復事亟宜料理開門
有旨協圖調兵五千速發併新餉暫借濟急該部
還速行措給該衙門知道欽此又據薊州餉司何
朝宗呈爲哀請給發年例等事案呈到部該臣
等看得通灣爲

京師之咽喉薊遵爲燕雲之門戶其所關係甚重

當此虜警紛紜之際亟爲保障而接濟之以爲
捷伐撲滅之計誠目前之急著也惟是虛實因
外之間亦有不得不曲爲酌議者案查臣部先
於十月二十七日發解關內外遼餉銀六萬八
千三百四十九兩有奇嗣值虜警寄貯通州繼
因閣部孫承宗題

請借支疏內所云那動者止總督倉場借發銀一萬
一千兩巡關御史借支銀二千兩耳臣部具疏
題覆又除它運召買銀一萬兩禮部兌撥摘

貢夷銀四千五百六十三兩六錢六分尚應存銀
四萬七百八十五兩三錢零。許借閣部支用。至
於通州借用數多。及薊州因本色匱乏。曾向臣
索召買銀兩。臣曾移文令其來通。自取三萬。胤
是戎馬在郊。且謂未必成行。近接薊鎮餉司公
移。則已差官郝奎光領回矣。臣部隔遠不及知
也。據臺臣董羽宸疏稱。實止餘銀一萬一千六
百五十兩零。若於此中再照臣部原議。再允禮
部賞夷銀兩外。止餘銀七千五十三兩有奇。委

不敷用如果前乞運廳召買銀一萬餘兩尚
動支亦可暫那以爲軍興城守之需又昨新
薊撫梁廷棟應

召赴京

陞見之後招臣商議募兵錢糧且云已有新兵相
抵京臣卽於新庫內撥給銀五千兩猶以爲未
足也臣又查得通州坐糧廳郎中丁流芳前報
淮安府解到輕資銀三萬三百兩有奇此時
漕尚緩軍需正急近日雖有搬運邊糧之事

費有限廷棟如在通招兵亦政不妨通融量用者也倘再不足查得差官劉定邦解新餉銀五萬七千兩赴宣府買馬除宣府撫賞借用銀二萬有奇大同巡撫借用銀四千外其餘聞新撫已帶至居庸關設法取用亦稱便計而通薊目前招兵之事便可賴以結局矣惟是總督劉策直以恢復遵城爲已任則薊鎮兵餉亦宜亟爲接濟又查臣前覆酌給薊密錢糧一疏曾議密鎮解銀二萬兩以濟薊鎮之急今薊餉新領三

萬儘可支撐行糧鹽菜則密鎮應解薊鎮二鎮亦似足爲遵城恢復之用若夫本色口糧則薊州有漕米密雲亦有漕米宜聽督臣便宜取用而料草則於附近州縣輸輓料督臣力量足行於屬邑也要以不論發之

都門撥之外庫總之

國家金錢臣部經費若必欲從

都門給發豈獨虜警正殷未敢賫盜兼以太倉如洗方憂匱乏曷能再輦而出以速夫旦夕莫支

之禍哉伏乞

聖明勅下臣部移文各該衙門一體遵奉施行

崇禎二年十二月二十日具

題本月二十三日奉

聖旨這通薊密鎮折色銀兩通融支用薊密本色服用漕米及附近轉輸草豆俱依議着各遵行欽此

遵 旨查明援兵實數疏

題爲遵

旨查明援兵實數事本月十九日辰時奉到

上傳戶兵二部城外援兵行糧料草不可稽遲戶部
卽着經管司官分詣各營查明實數具奏一面預
行措給馬世龍所督關兵忠勤可念量加犒賞以
示軫卹欽此欽遵爲照關兵犒賞其餅酒熟食係

臣部職掌已經照例給發訖至於犒賞銀錢原
係兵部爲政臣已面會兵部尚書申用懋承認

議給失惟城外列營官軍散在各門臣卽傳諭
經管援兵行糧司官令其分詣各營查明實數
去後今據開報前來合應遵

具奏查得

東直門外據監督該門援兵行糧司官劉賜桂呈
報山海遊擊蔡裕領官軍八百三十名馬三十
五匹

朝陽門外據監督該門援兵行糧司官劉賜桂呈
報天津部院崔爾進親督官軍韓嗣增等一千

一百七十一名馬騾七十五匹頭

東便門外據監督該門援兵行糧司官宋治寧呈
報宣府遊擊高繩領官軍人百三員名馬一百
三十四匹

廣渠門外據監督該門援兵行糧司官薛邦瑞呈
報宣府總兵侯世棟領官兵一千二百五十七
員名馬騾一千三百六匹頭宣府千總劉應魁
領官兵一百八十三員名馬一百七十四匹宣府
千總葛特新領官軍三百四十六員名馬三百

二十六匹宣府千總梅友栢領官軍二百五十七員名馬一百九十九匹宣府守備郭國彥領官軍二百五十三員名馬一百三十九匹宣府千總楊時賁王體仁領官軍三百六十九員名馬騾三百六十五匹宣府千總王之翰領官軍三百二十七員名馬十四匹

左安門外據監督該門援兵行糧司官王國祚呈報山海遊擊劉鎮華領官兵二千一百七十員名馬一百二十匹宣府守備李本領官兵三百

一員名馬騾十二匹頭宣麻守備盧德勛領
兵三百員名馬四匹保定守備朱寵祿領官軍
二百九十七名馬二百九十七匹

永定門外援監督該門援兵行糧司官黃中色
文郁呈報總兵王威領中千把總親丁七十二
員名馬五十一匹宣府叅將王世選領官兵八
百九員名馬七百九匹宣府都司李天秩領官
兵七百一十一員名馬二百十三匹山海叅將
鄒宗武領官兵一千三百七十員名馬騾九十

五匹頭天津副將劉國柱領官兵二千十匹
名馬三百四十五匹

右安門外據監督該門援兵行糧司官李士元
報山海叅將謝尚政領官兵一千二百六十五匹
名馬七十三匹

廣寧門外據監督該門援兵行糧司官李慕呈
五軍營副將施洪謨領官軍四千三百五十一匹
員名馬一千九百四十一匹

西便門外該監督該門援兵行糧司官本

神機管副將袁信領官軍四千七百六十七員
馬一千九百五十匹

阜城門外據監督該門援兵行糧司官李學禮
報天津海防營叅將宋餘應領官軍一千六百
名馬騾三十匹頭

西直門外據監督該門援兵行糧司官李學禮
報副協理劉之綸先發乾艮二營官兵二千二
百五十九員名馬一百六十四匹續發震離坎標
左右及標下旗鼓官兵一千六百二十七員名

馬一百四十八匹

德勝門外准兵部咨補宣府上北路官軍王體仁等三百六十七員名宣府南路官軍耿直忠等二百五十員名與總兵張安合營尚未報有馬匹數目以上共計官兵二萬九千七百二十九員名馬騾八千九百七匹頭二十一日又准兵部咨稱河道侍郎李若星帶領官兵一千二百八十員名但無駐劄信地不便作數抑臣因是而仰佩

聖謨之深遠也。既慮師旅之枵腹復虞儲餽之虛糜。臣部敢弗勉爲措辦力爲清查以仰副

明命。惟是見在兵馬之數與臣部月來供億之數大相懸絕。有令人咨嗟慨嘆而不能自己者。憶自開寧兵馬赴援而勤王之師接踵。臣部竭盡心力。四應支持。需米豆則以米豆應。需草束則以草束應。需熟食烘炒則以熟食烘炒應。需折色廩糧鹽菜則以折色廩糧鹽菜應。雖宵旦弗息。皮骨俱銷不敢懈也。東呼則東應。西呼則西應。

倏東而西倏西而東則轉轅互運以應雖長
之奔走如驚城根之狼籍時聞不敢恤也竊
貌貅日集大壯聲援蠢爾夷酋隻輪無返詎
虜騎益橫我兵漸削就各門清查之數僅止
兵二萬九千七百二十九員名馬騾八千九
百七匹頭臣復將見在者與臣部月來所供
億者逐一磨對除祖大壽兵丁二萬人戰馬
一萬二千匹費用不貲倏忽東潰外尚有大
同之王野政文光查官政等陽和之馬士奇
劉本清等

原缺

之

旨而見在兵馬之數頗減於月來供億之數不得不
抽出陳於

皇上之前其查無可查者非馬部之措餉有遺實
兵之所在無擇也從茲鼓舞訓練以成有制
師調度責成以圖必勝之着是在文武諸臣協
力圖維以副

皇上宵旰至慮以固

宗社奠安長計耳臣等無任悚息隕越之至

崇禎二年十二月二十二日具

原缺

運銷算此後撥兵四出若途與津近者尚或仰
給津門備之于蚤庶可恃以無恐此外尚少預
計豆價二萬一千三百二十餘兩容虜警少息
臣部當另爲措給以佐急需既經具題前來相
應覆

請恭候

命下臣部移文津部并薊門撫道各衙門遵奉施行

崇禎二年十二月二十三日具

題本月二十七日奉

聖旨俱依議行欽此

、開具軍興糧料請寬限疏

題爲欽奉

欽奉 上 傳

上傳事本月二十三日奉

上傳戶部軍興城守糧料等項一應本折色錢糧
放總撤數目詳開具奏欽此臣隨行文各倉場司
官各管庫司官各坐門司官暨各城專管援
行糧司官徹底造冊以便彙

奏庶幾軍興支用之數臣部供億之苦可備達於
宸聰矣惟是頭緒多端未可咄嗟清楚以倉場言或

給城守軍士或給赴援兵將或解運或面給或
派東而西領或派甲而乙領至煩襍也以管
言或廩糧銀或米折銀或鹽菜銀或熟食銀或
運價銀或糴買銀亦至煩襍也以坐門各官
或城軍米或門軍米或煤炭錢或姜椒錢或本
折間支或先後補給亦至煩襍也以尋管行糧
各官言或就便兌發或收貯續發或有請輒給
而管伍倏移或張受李糧而支應難拘亦至煩
襍也伏祈

聖恩俯寬數日容臣分頭督糧星夜攢造上陳
御覽抑臣於此竊有感焉師行糧從原屬正理兵食
相劑何事不濟而無奈援兵怯敵每先借糧精
缺乏爲辭臣部堂司相向隕涕耗盡心血以供
轉輸但得運至城頭縋至城下使兵將無言便
爲至幸如閑寧一師隔兩重城牆以應其急米
豆堆積如山聚口溜放如水尚以缺乏屢厯
聖懷及至潰散拋至城根者不可數計帶之馬上者
盡撒沿途如滿桂一師聞其將出迎敵臣遣司

官督放糧料未已復偕臣同官侍郎曹珍等
城頭督放止與飽騰不敢拘拘額數而餉
數稱缺乏及至行後米豆堆積煤餅狼籍
諭專管司官清查而事屬隔城防守爲難終
拋棄又

德勝永定二門先後兩次各發銀五千兩共一萬
兩恐其出征日久聽其權宜支用又形撻伐
滿桂不知下落須俟同行將領歸營方得
其作何開缺總之援兵情事臣部艱危處處皆

然而兩管其最也凡此一顆一束誰非

皇上金錢臣部膏血倍蓰支放尚難必其有餘晝夜
肩擔半盡付之無用言念及此不禁刺心卽如
草束一項輓運艱難已蒙

聖鑒稍有車輛不繼稽遲時刻者臣每一聞大聲疾
呼自分必無死所而百計濟之間有人力駢至
運發稍充者飼馬之餘半屬爨具矣臣且奈之
何哉臣奉職無狀軍興罔效姑俟詎氛稍息方
敢蒲伏
闕下候

皇上斧鉞之誅茲因清查錢糧數目不覺艱苦下情
媿媿欲溢猶嬰兒痛楚不禁號呼於

父母之前也

皇上矜察臣無任悚仄待

命之至

崇禎二年十二月二十四日具

題本月二十八日奉

聖旨芻餉頭緒繁多司官分任管理俟查明開奏嚴
實兵數嚴禁虛糜兵部不時諭飭該衙門知道欽此

火箭飛放入倉疏

題爲火箭飛放入倉事據監督北新大軍倉員外郎鄭抱素呈稱北新倉逼近東北角樓城牆職自聞警以來晝夜督率倉攢各役嚴加巡緝幸保無虞偶於本月二十五日夜三更時分正在北新倉前三官廟內磨箕轉運援兵城守軍丁糧數方畢職卽步行查點巡風員役忽見自北而南火如流星墜入北新倉內其相繼者又有二三猶有飛越倉南入於民家者職急率同倉

官李世瑁王大順鋪軍頭蘇科等啓倉入內
緝當獲火箭一枝上有委官造箭姓名五人並
年月字號非係奸細豈得飛放火器入倉事經
軍情擬合呈報爲照逆奴犯順各處倉場俱加
兵防守且職倉人役原設不多近派運四門撥
兵米兩門半城守米又以解糧差占所餘寥寥
曷濟緩急似當照舊太等倉例一體加兵防守
者也伏乞台裁等因又據送到火箭四枝內載
總委都司陳世相委官許元勳匠頭侯汝林等

頭王讓呂廷月又有作頭張大仁李功及王才
劉謙姓名又云筒重一兩二錢藥二兩天啓五
年三月造臣面詢員外鄭抱素云是夜三鼓達
賊攻安定門東角樓火箭射入有至倉內者
有過倉而南者該臣等據本官呈詞曲爲臆度
火箭從空飛墜雖無主犯現獲然驗其箭號年
月似不盡繇達賊豈達賊得之敗兵之手我器
反爲彼用抑或城中奸細乘機爲祟未可知也
原箭所載委官匠頭既有姓名可問又有年月

可查合無發經管造箭衙門逐細詳覈便知
箭之所繇來有無奸弊必無遁情至於該倉
役以分派運米之故人數既少委難周防相應
比照舊太等倉例行令兵部速撥巡軍若干名
晝夜協巡警備非常一切譏防事宜所當倍加
愆飭務保無虞者也

崇禎二年十二月二十六日具題本月二十八日奉
聖旨撥軍協巡已有旨造箭衙門覈查情繇另奏該
衙門知道欽此

兵餉急需權宜設法疏

題爲兵餉急需欽遵

明旨權宜設法仰祈

聖裁早濟然肩事臣前有庫貯將竭虜氛未息一疏
奉

聖旨兵餉急需爾部嚴催外解權宜設法務期接濟
俸絹等項依議傳與各衙門知道欽此仰荷

聖鑒洞臣部金焦轍涸之苦

諭以權宜設法始知臣愚千慮不如

明綸一煥便措軍興於不匱也臣竊思嚴催外解然望汲西江卽俸絹暫停亦不過支吾且又今日計必朝下

令而夕有濟者方可救庫藏之窮謹揣摩一二急爲

皇上陳之嘗聞富商經營遠方每不挾重貲有會集之例如北人而南遊卽訪有南客在北者輦金送之但取一印票以往至南客之家其家屬給票照數給還彼此稱便今道路險阻商人如

客布商之類家挾萬金常思遠寄不能奮飛誠
及此時亟下一

旨俾入金臣部卽給與會銀勘劄不拘南京各布政
司惟商意之所嚮註定地方文到之日地方官
驗明勘劄不許稽勒亦卽日照數給還仍將勘
劄轉呈撫按題繳其各商入銀果及一萬兩以
上臣部卽先移咨吏部題給冠帶旌表以酬急
公之義倘不願遠出者如河間有見貯銀兩卽
付以就近會銀勘劄而優異

特恩亦復不靳商賈既得輕身回籍又復藉以徵
榮寵顯名厚實兩利俱存則踴躍而赴者當不乏
此倣行會票之一法也年來選法壅滯財物多
耗於無用之地今若於見在掛選者照原題事
例開註缺與候選之例務於次年二月內卽行
選出查本部見行事例有納徑選及拔先者除
以前弗論外若今日納三拔先者卽註選見缺
納雙拔先者卽註選候缺天擇地而蹈人情所
樂從也銓臣誼屬同舟顯藉此舉以助臣部軍

國之急知不俟臣言之竟矣此通融事例之要法也。

朝端諸臣助餉犒師急公固已有素忠愛政自無窮卽省直青衿義民富商大賈輻輳

輦下莫不咸切同仇之憤徃徃具揭助餉如候選
丞李應麒已捐銀百兩且意氣慷慨蒲州生員
常道復已捐銀十兩又粘帖勸助其他求臣代
題者亦不乏人臣懼瑣屑纖微不足以瀆

聖聽但不必強其輸納又何須卻其好施似不妨容

令協濟以成子來之義倘蒙

欽准隨便輸銀每省直推舉縉紳一人收貯務使
數彙解到部臣部開具職名彙題酌量獎賞
忠愛一念均得傾寫而自見矣此鼓舞捐助
又一法也以上三款其於軍儲兵餉皆可且
有濟而政體亦無妨礙

皇上倘以臣言或有當於權宜之法伏乞

俯賜採納施行臣不勝激切待

命之至

崇禎二年十二月二十七日具

題

聖旨

設法轉輸外解以濟軍興疏

題爲設法轉輸外解以濟軍興急用事本年十一月二十日該臣部題爲庫貯將竭虜氛未息事奉

聖旨兵餉急需爾部嚴催外解權宜設法務期接濟俸絹等項依議傳與各衙門知道欽此欽遵除絹俸等項已經劄行該庫暫停給發外該臣等看得奴氛未靖需餉孔殷兩庫如流何以接濟非嚴催外解不可及查新舊二餉并鹽課等項皆

河間庫貯者爲數頗多非外解之不前也及
畿之中梗也此時戎馬蹂躪東西不常豈獨
突入懼齎盜糧卽一應催解文移亦應慎重
此中虛實爲敵所窺也竊意保定撫臣解經傳
見駐涿州臣部一應關係錢糧催解文移俱藉
彼中齎奏人員順帶前去臣部總行經傳經傳
分行各府州縣傳檄甚利分布亦詳一便也
貯河間錢糧聽經傳轉行該府查確起解地
項款數目并解官姓名口房勢之緩急漸次

進自河間等處至涿經傳檄行沿途州縣設法
護運自涿至

都門經傳差委的當官弁統領兵馬護運俱聽
機戒行便宜從事固與源源而來且須漸漸
至庶無意外之憂二便也其轉運

都門或用羸馱或用人攜在經傳酌其便利期
安穩不必拘拘於往日解銀定用車輛之例三
便也此法可行則臣部得借以勉強支撐不致
中涸誠目前之急著也至於俸餉之應急固矣

又不如懸

恩典以招徠之果賢能有司多方措置護送解送
馳到京者准與考選優敘則人兢思効自無
留疏通外解之法當無踰此矣謹令本科主事
盧化鰲手書密

秦伏乞

聖明採擇并藉

天語叮嚀

勅下臣部轉行撫臣解經傳亟爲料理遵奉施行

崇禎二年十二月二十七日具

題本月二十八日奉

聖旨催餉文移轉發路通仍舊其見在撫屬寄貯外
鮮銀兩解經傳便宜設法嚴兵護運入京勿拘常
例期保萬全爾部還專役密與知會行欽此

請開三門放糧料疏

題爲城門謹閉糧料不前懇乞

聖明申令開運以便接濟事昨因刑部失火獄囚
逃中外戒嚴內三門俱謹閉一日外七門城下
援兵望眼欲穿臣部糧料草束無從得出臣等
夜靡寧惶懼欲死萬一援兵不能忍饑餓成
巾之變臣肉不足食而所關於

國家者非渺也竊思外七門兵馬如林不比援兵
初集之時爲數不多可以兩次縋城陸續接濟

且

正陽宣武崇文三門之外另有一重城牆似不
暫開以通運道第在坐門内外文武各官凡
解運糧草車輛人夫出入嚴加稽覈無令
得以乘機往來似爲便計不然獄囚一人不
城門一日不開如援兵之待哺何且援兵行
昨已稽遲一日萬難再稽事勢急迫不得不
血披陳於

皇上伏乞

皇上俯賜裁斷遵奉施行毋無任悚惕待
命之至

崇禎二年十二月二十八日具

題本月二十八日奉

聖旨正陽等三門着與暫開通運守門各官嚴加
察不得疎玩欽此

凍糧收歛已多撥兵防守宜亟疏

題爲凍糧收歛已多撥兵防守宜亟謹據揭入

告仰祈

聖裁事本月二十七日據本部差運凍糧主事喻恩

慥二十五日揭稱蒙劄委監運漕縣河西務關

凍糧屢奉

明旨森嚴無奈務關自前月十六日流兵搶劫以後

每日不報虜警則報兵劫職且運且守心手並

作自十一月十二日起至十二月二十二日止

共運過入城米五十萬三百四十五石五斗
潮縣與通州相近凍阻無多惟香河縣界
鱗集且謂酋虜出沒之衝賊騎呼吸可到職
心如焚欲索車輛人夫于潮縣僅一空城望
集分運于京城道路梗塞職計無復之捧釋
明旨及堂劄云倘虜情緊急道路遼遠一時難促入
城姑聽權宜設法或行寄頓收藏期于不爲盜
資亦非失算乃星夜移會漕臺隨喚解官面商
多方勸諭遍尋幽僻處所密爲寄頓收藏過水

二十萬二千九百七十三石零通計務開鄭
搬運入城并寄藏米共七十萬三千三百一
八石五斗有奇其用過脚價職只移文支給
未經手官旗完欠有總有撒俟查確造冊正
報間本月二十二日忽傳虜至通州張家
管搶劫燒船火光燭天次日賊騎已至沙河
河西僅十里幸糧米寄藏者無踪糧船手餘
職已密令官旗預爲之所有警則沉船於水
或不致爲賊人所中料逆奴宜日久逃死

窠必在旦暮但職杞憂慮深有不得不通
計者賊情最狡務城固糧且多防守地方
一主簿吳維新守備雷起蛟第無多士卒
弭盜則有餘以之禦虜則恐不足乞再議
守庶入城之糧可終無恙矣等因到部該
看得自賊虜縱橫凍糧係臣部職掌寢食不
前得司官喻思慥兩次具揭約運米可三十
萬就中催覓拮据之狀爲力甚艱已據實
告矣虜且倏東倏西形情叵測未運漕米尚

卽今所報灣城不戒賊騎突至沙河去河西僅
十里勢亦岌岌殆哉所幸天祚

聖明戎馬北嚮兼以思慥急公念切應變才長或
力搬運或設法寄囤而脫河干入蓋藏者遂以
得七十餘萬至於密諭官旗預計沉舟尤見
慮周詳是役也思慥可謂備極勞勩矣惟是
關斗大一城囤糧至數十萬易啓戎心雖臣前
疏題 請責成武清縣主簿崔黃口守備赴
彼防守而所領士馬無幾百姓復多驚潰不議

增兵戍守緩急何賴竊計通津軍馬各有城寨
專責或難議調近聞津門援兵奉

旨回津護運似當量撥千人發給河西漕縣聽喻
儘分派共爲防禦誠今日之急者而非臣部之
過計也伏祈 聖明裁察遵奉施行

崇禎二年十二月二十八日具

題
月

聖旨漕糧派兵設防一面集車速運京通二倉酌量
遠近一體行該衙門知道欽此

題議津門分發鹽課疏

題爲關內關外一時缺餉饑軍控急懇求速

勅給發仍設法護行以拯危邊事崇禎二年十二月

三十日該臣部接戶科抄出閣部孫承宗題前

事奉

聖旨關寧冬季餉銀該部速與給發撥兵護行仍嚴
催外解新餉不得藉虜觀望王四聰着作速到任
該衙門知道欽此又該總理永平糧儲主事陳此
心奏爲永平一帶無恙恭慰

聖懷餉道經月未通恐絕軍命仰懇速

勅發餉專委一將提兵掃逐殘賊清護餉道以廣軍

命以固東園事奉

聖旨據奏永鎮保城情形知道了陳此心措處月餉
還速發接濟仍着兵將護運該部知道欽此又該
順天巡撫梁廷棟題爲亟賜題

請發餉以救危邑事奉

聖旨這餉銀着卽解給接濟該部知道欽此又該直
隸巡按御史董羽宸題爲急缺軍餉事奉

聖旨三河遵密需餉該部卽與措給添餉解經傳昭
諭旨行該衙門知道欽此欽遵通抄到部除餉司
王四聰催令作速到任并行文省直應解新餉
作速起解不得以虜警觀望外該臣等看得關
寧重地當無事之時尚源源措餉恐致呼庚創
虜騎深入倚藉聲援勢更萬倍急也案查崇禎
二年十月二十七日臣部發開內月餉銀二萬
三千三百四十九兩有零差官陳諫解至三河
因虜警阻回寄貯通州臣部計無所出又於十

一月十三日發銀二萬兩差官黃文秀等運
長縣招募家丁從南路運至開門幸已交
十月二十七日臣部發開外月餉四萬五千
差官傅尚謙束可久運至三河因虜警阻回
貯通州臣部計無所出又於十一月十三日
發銀二萬兩差官張士元等僱覓車輛同開
月餉從南路解赴幸亦交收矣嗣後虜薄
都門運道梗塞兩月以來無論外解中斷
然卽有白蠟亦難飛運無惑乎開寧之告急

今查前次寄貯通州關內外遼餉因通州軍興
無備已該總督倉場南居益借發軍需一萬兩
巡閱御史方大任題借軍需二千兩又准禮部
借發

貢夷犒賞銀四千五百六十三兩六錢六分餘該
閣部孫承宗題留通州以充軍需候事完銷銀
覆奉

欽依在案則是關寧月餉前此之解運不前後此之
通融別用皆出於萬不得已而非臣部敢緩視

之也至於三河衝邑難以支持永平要隘
缺餉俱不可不速爲之計者目今軍馬雲集
折錢糧日費鉅萬奉有新舊通融之

旨業已給發殆盡所幸新舊額餉如兩淮鹽課並
直錢糧已經解至河間而聞警停貯者不下
十萬庶幾旦暮接濟但閑寧需餉甚殷若待解
交臣部而後轉發未免耽費時日合無

勅令天津部院差官河間面同該府將鹽課內先
一十萬兩仍令津部撥兵護運山海永平撥

迎取各至中途內以三萬給關內五萬給關外
一萬五千給永平五千給三河少慰軍士雲霓
之望其河間所寄塩課等銀并省直額解銀兩
臣昨恪遵

聖諭三次差官星夜飛催俟其至日酌量多寡再爲
分發以解倒斷懸不敢作膜外之觀也臣草疏
已畢適關內領餉守備黃文秀朱大成千總王
文鐸自開門至此三人者饒有膽力且念切急
公于奴氛正熾之時能從間道運餉而出以應

急需聞關寧兵士見餉歡呼如從天降等語
未可泯今仍應差往河間速催餉銀十萬運
天津聽津部撥兵護送各官協運星馳姑候
寧之日與關外差官張士元等一體敘錄亦
舞人心疏通運道之一端也伏候

命下臣部遵奉施行

崇禎三年正月初三日具 題本月初五日奉

聖旨運餉分給依議速行差官一體敘錄該衙門
道欽此

議買京薊料草疏

題爲欽奉

聖諭事崇禎二年十二月二十九日該

內閣傳奉

聖諭戶部卽星催外解錢糧收買料豆草束大齊
輒頭畜起運漕糧接濟欽此欽遵除外解錢糧
已三次差委官役胡守訓等前赴涿州河間等
處馬上飛催起運漕糧一面行文倉場衙門及
各該司屬分頭輸餉一面酌議已經另疏條奏

外其收買豆草一節該臣等看得虜雖東徙
氛未靖狡謀叵測戒備宜亟誠有如

聖諭所云然者援兵豆草臣部原無預蓄當聞警
初卽發銀兩分頭收買料豆其草束則動支
智等五草場兩月以來幸無缺乏過此以往
岌岌乎有不繼之憂矣今蒙

聖明睿慮周悉臣等敢不蚤夜竭蹶以從但在

京師重地則有供億援兵之用
在薊門衝邊則有
征勦出師之用
內外需用均急收買方術難

以料豆言之在京城除臣分委雲南司邊司新餉司各掌印官見在極力收買然隨買隨發正可供目前援兵之用而未可爲異日禦寇之謀也今京城之豆日少日騰止聞

朝陽東直門外有豆二三千石見今五城御史同臣部收買此外幾無可覓處矣茲欲廣爲收買非藉力於附近州縣不可今議派宛大二縣各買豆一千五百石房山縣一千八百石涿州五千石新城縣三千石定興縣三千石永清縣

二千五百石雄縣一千五百石東安縣一千五百石任丘縣二千石武清縣二千石霸州二千石文安縣一千二百石大城縣一千二百石保定縣三百石以上共買豆三萬石差委臣部東司主事王珍錫巡行守催定限正月二十日
以內到京以備城守之用在薊門正值夷虜之衝援兵或追或勦率歷茲土所需料豆時刻難緩除聽津門遵照前

旨輸運接濟及各該鎮餉司自行設法召買外今

令寶坻縣買豆二千石平谷縣一千石豐潤縣
一千石盧龍縣一千石灤州二千石通州除本
城援兵料豆聽兌運廳召買外仍派該州買豆
二千石遷安縣一千石密雲縣二千石懷柔縣
一千石以上共買豆一萬三千石定限正月二
十日收買通完陸續解運薊鎮收貯以爲出師
之用以草束言之在京城責令各場商人速將
崇禎二年原買未完草束星夜上納仍令每場
商人各加買新草十萬束其草價銀兩俟外解

至日卽行酌量給發不必拘於季終之例
附近州縣亦宜派買薊門草束但草體輕
運不便姑令該鎮餉司動支客兵銀兩自行
買其各州縣俟買豆報完之日再行酌議分
想各州縣均屬王臣同仇念切纓冠之救必不
後於臣部也其價值運費臣部此時庫如懸罄
不能齎發卽令州縣不拘何項錢糧動支銷算
仍俟臣部外解至日卽行補發倘有縣治原
額徵錢糧不敷者聽各該府查本屬有錢糧

而未派召買者檄令解赴派買地方權急濟用
一體開銷庶羣力易舉而飽騰有賴矣恭候

命下臣部行文各該衙門遵奉施行

光緒二十九年正月初三日具

題本月初四日奉

聖旨這料豆草束內外分派督運併措用價銀俱從
議速行仍著勒限完解具奏欽此

措發延綏開寧援兵月餉疏

題爲措發援兵糧餉以資追剿事該臣於去年十二
月三十日晚准督兵兵部尚書梁廷棟取
延綏援兵糧餉銀二千兩開寧援兵糧餉銀
萬六千兩次日再詣廷棟面詢始知調兵前
爲追剿逆奴之用需此銀兩甚急臣隨即
發銀二千兩又烘炒二十石解赴總兵吳自勉
收領爲延綏援兵之用又發銀一萬六千兩解
赴總兵馬世龍收領爲開寧援兵之用各取實

收在卷前銀二項俱在日支行糧之外又據
咨督臣知會說第查開寧兵數原不滿萬
收合別伍與之合營亦未可知惟是兵機
臣不敢一一致詳而兵行貴速亦不敢稍
悞臣部雖處窘乏之時亦不得不隨呼隨
赴軍前至於事竣開銷務期詳悉是在該
督臣之自爲清楚也事關錢糧謹具

題

知

崇禎三年正月初三日具

題本月初六日奉

聖旨知道欽此

責成道府嚴催外解疏

題爲遵

旨嚴催外解以濟匱乏事崇禎二年十二月二十

日奉

聖諭戶部卽星催外解錢糧欽此已經三次差官
行保定撫臣解經傳星馳催運業經取有回
到部見在催解外臣部又劄河間府督催火速
起解矣第人心習玩恐未知

京師空匱之極臣部窘乏之苦若非專有責成刻

期嚴限終致悞事似應責成天津道臣在案
親至河間同該府正官查驗不論金花及辦
餉錢糧一體督發保定撫臣解經傳應預行
撥兵壯沿途護送無致疎虞如正月初十日
內到京者解官卽行獎賞紀錄正月十五日
外到京者查其日期先後分別戒飭倘有怠
遲緩至正月二十日以後到京者卽行提問
罪沿途州縣有不亟爲應付撥派民壯鄉兵
送者許解官據實呈報以憑叅究河間保

府應令各委府佐一員指揮二員沿途催運
京庶賞罰明而責成專外解計日可到臣部
倒懸亦可解矣伏乞

勅下臣部以便檄行各官遵依催督施行

崇禎三年正月初四日具

題本月初五日奉

聖旨依議速檄併勒限獎罰嚴飭必行該衙門知道
欽此

欽奉 聖諭疏

題爲欽奉

聖諭事、崇禎三年、正月初四日、該臣等恭奉

上傳召至

會極門、接得司禮監太監宋晉等傳出

聖諭、戶部、邇以軍興、器然煩費、深軫朕心、第羽書未
能盡停、租檄尚爾狎至、權宜搜括、聊濟目前、經久
圖維、方成勝算、各省直應解京邊銀兩、向多逋欠、
今宜專官守催、責令司府、那借起解、勿拘管期違

者以失悞軍機叅治凍糧一面收運一面速辦
空仍行督漕酌議明年額運責成有司暫行優
續運之法以濟急需後不爲例料豆通行山東
南一體買運勿拘北直以廣積貯關津稅課選
廉幹司官極力疏理勿濫委用各邊新舊餉銀
緩急應發仍責令餉道嚴催民運支過援兵行
急著清核勿致濶冒凡此皆爾部職行事宜俱
以時艱申飭若復牽徂積習瞻顧情面不肯盡
腔體國之誠鼓四海急公之義是爲明職謂爾

何特諭欽此欽遵該臣等恭照邦計之出入總
歲額之完虧若當時詘而舉贏必至提襟而
肘自警報以來臣部展轉那移僅濟目前
如

聖諭所洞鑒者每思後計未得前籌茲蒙

皇上睿慮淵深俯示經久之圖預爲儲積之計如
直之京邊旣督以專官又許其那借後至者不
得藉口矣凍糧之收卸旣速發回空又酌行
運督漕者有所責成矣料豆通買於山東河南

途廣而積自饒開稅取辦於廉幹差官商
謀自足至於邊餉酌緩急而催民運則力
呼庚之虞援兵核行糧以防虛糜則沿途
卮之弊煌煌

天語真不啻呼寐而使之覺導闇而入於明也
上懷

國憲下顧職掌敢不立蠲積習盡破情面以爲
寓急公之倡以培

國家富強之休除一面遵奉轉行串飭外所

奉

聖諭理合具本

進繳謹具題

知

崇禎三十五年正月初五日具

題本月初八日奉

聖旨知道了欽此

奏繳十二月分京軍續支行糧疏

題爲京軍續支行糧匝月再竣謹核實

奏報恭

請裁酌以便遵行事照得

都城戒嚴倏已兩月京軍守禦勞瘁異常在

皇上屢弘大賚之恩在臣部敢緩行糧之需除前

一月初二日至十二月初三日止給過本折糧

料草束已經前次

奏報外乃屈指今茲又復浹月矣臣部竭蹶奏發

無敢少愆期會查得第七次自十二月初
起至初七日止官軍九萬七千八百六員
有班軍四千名每名日給鹽菜銀二分五釐
餘俱給三分共該銀一萬四千五百七十
錢馬一萬四千四百四十七匹每匹日支料
銀四分共該銀二千八百八十九兩四錢俱
五等日創新餉庫支解訖取有印領在卷又
軍米二升共該米九千七百八十石六斗俱
戶部坐門司官處唱散訖第八次自初八日

至十二日止官軍九萬八千一百九十四員
內有班軍四千名每名日給鹽菜銀二分五釐
其餘俱給三分共該銀一萬四千六百二十
兩一錢又每軍米二升折銀二分共該銀九千
八百一十九兩四錢二項俱於初九日劄新
庫支解訖馬一萬四千四百四十七匹每匹
支料草銀四分共該銀二千八百八十九兩
錢俱十八日劄太倉庫支解訖取有印領在卷
第九次自十三日起至十七日止官軍九萬八

千一百九十四員名內有班軍四千名每名
給塩菜銀二分五釐其餘俱給三分共該銀
萬四千六百二十九兩一錢馬一萬四千四百
四十七匹每匹日支料草銀四分共該銀
八百八十九兩四錢俱十六等日創新餉庫
解訖取有印領附卷又每軍日支本色米二
共該米九千八百一十九石俱於戶部坐門
官處唱散訖第十次十八日起至二十二
官軍九萬八千一百九十四員名內班軍四

名每名日給塩菜銀二分五釐其餘俱給
共該銀一萬四千六百二十九兩一錢每軍米
折銀二分共該銀九千八百一十九兩四錢
項俱二十四日創新餉庫支解訖馬一萬四千
四百四十七匹每匹日支料草銀四分共該銀
二千八百八十九兩四錢俱劄太倉庫支解
取有印領附卷第十一次自二十三日超至
十七日止官軍九萬八千一百九十四員名內
班軍四千名每名日給塩菜銀二分五釐其餘

俱給三分共該銀一萬四千六百二十九兩
錢馬一萬四千四百四十七匹每匹日給料
銀四分共該銀二千八百八十九兩四錢俱
十八等日劄太倉庫支解訖取有印領附卷
每軍日支本色米二升共該米九千八百一
九石四斗俱於戶部坐門司官處唱散訖以
共計五次大都口糧米支本色三次支折色
一次緣京倉積貯有限先是奉有本折間支之
也無論梁軍遊防軍丁俱赴坐門司官支領

部不憚轉輸之勞欲各軍得專於守望也蓋
每日三分俱仍軍興之舊馬匹料豆收買艱難
臣部陸續市易僅充援兵之用且京軍馬匹有
見支月草未竣故與總提協議槩從給折然每
馬每日四分從優厚也自十二月二十八日起
至正月初二日止爲第十二次今已過期行糧
料草亟應給發但臣部庫藏將竭卽有芟須留
備緊急不得已之用是以未敢遽放且就中尤
有當酌議者口糧本折歸支此輪又當折色之

期其當每米二升折銀二分無疑矣。塩菜
初時止二分耳。後因天寒加煤價銀五釐。
臨城又加塩菜銀五釐。馬匹料草初止折銀
分及虜臨城又加一分。今虜退矣。似當復其
制。但煤價乃炊爨所必需。而料草近日價值亦
騰。惟城門已啓。不乏前來販鬻者耳。合無不論
京軍班軍塩菜料草每項各減五釐。俱以茲
爲始。少分有做無做之殊。略省一分一毫之
似。當從長酌議。恭候

上裁若得蚤有成說臣部卽稱匱乏自當速行給發
矣此外每日仍有煤炭銀五釐五日仍有姜椒
錢五釐前因天氣寒沍臣部推廣

皇仁曲爲濡沫亦已支至十二月二十七日止今時
屆春和矣煤價原有正項而姜椒亦可停止良
以臣部物力原非寬裕而一時曠典難爲常格
然非入

告於

旒璫之前臣部未敢遽爲裁省也蓋日擊軍士之勞

數固不得曲爲體恤而言念

國計之匱詘又不得不少爲樽節則臣之計且
而臣之心殊苦矣合候

命下臣部遵奉施行臣等可任悚惕之至

崇禎三年正月初六日具

題本月初九日奉

聖旨依議酌減仍先行曉諭該衙門知道欽此

欽奉 聖諭勸助車輛疏

題爲欽奉

聖諭事崇禎三年正月初六日恭奉

聖諭傳戶部卽傳勲戚文武內臣富民之家但有牛
馬車輛的都着爾部報名差官督押前去務開
縣等處裝運漕糧進京照道路遠近依例給與脚
價事平仍行敘資急行勿緩欽此欽遵該臣等竊
照凍糧陸運之艱難政苦牛馬車輛之不應手
今承

天誥傳令勸戚文武內臣富民之家共襄厥力
酬以卹價又風勸以敘賚急公之念誰不同
飛輓之役會且爭赴臣部庶可藉手以竣事
除卽刻用手本移會五府

宗人府司禮監并咨都察院轉行五城御史及
順天府轉行宛大二縣據實開報委曲敦請
出示曉諭用示招徠俟報名到部卽差官督
裝運漕糧外所有原奉

聖諭理合具本

進繳謹具題

知

崇禎三年正月初七日具

題本月初十日奉

聖旨知道了欽此

再議陸運漕糧事宜疏

題爲再議陸運漕糧事宜以便責成事崇禎三年
正月初一日該臣部題爲欽奉

聖諭事奉

聖旨軍儲至急這集車運糧等事若待遠募不無遲
悞還速行料理立刻舉行一面差人分投各處
催起運不必候文到部承委各官仍着三日一奏
遲悞以軍法從事欽此該臣捧讀

勅旨不勝驚惶一面欽遵

天語差人分投各處星催起運一面取查各船具
紀車戶水脚人等分派搬運去後本月初六日
再奉

聖諭傳戶部卽傳勲戚文武內臣富民之家但有
羸車輛的都着爾部報名差官督押前去務開
縣等處裝運漕糧進京照道里遠近依例給與
一積事平仍行敘資急行勿緩欽此該臣口誦心
仰見

皇上經

臣睿謨無刻釋念其所軫恤臣部保全臣躬者
靡所不至也蓋軍

國以錢穀爲命脉而臣部卽以錢穀爲功罪臣
日拮据不能當

皇上之一言

皇上一言而臣部債運之事斯過半矣豈非經

國宏猷而卽以免臣於罪戾者哉然臣亦不敢以
車輛大集遂不黽勉從事也謹將漕糧陸運事
宜從長商確畫爲五議用救然眉之急伏候

聖明採擇申飭遵行一連役之派額宜均也查得
州運糧經紀三百三十名六開水脚一百五
六名土壩車戶五十名船戶十五名石壩
二十名白糧船戶二十名白糧經紀三十
白糧水脚十名共六百三十三名其經營者
糧廳郎中丁流芳也昌密河經紀五十名
經營者空運廳主事林弘衍也河西務剝船
百隻姑以船戶二百名計算其經營者鈔關
事劉孔敬也大通橋軍糧車戶一百三十三

白糧車戶三十九名共一百七十一名其經
者該橋主事孫士髦也今派每名每輪各運米
二十石通計每輪可運米二萬一千八十石
糧在務閑以外約地一百五六十里限四日
轉如糧在務閑以內約地一百二三十里限
日一轉或運數欠額或交倉違限運役叅送
罪該經管官一體議處他如勦賊及五城各州
縣應募之車尚缺查照另派而糧數程限亦應
酌此爲額不得爲有名無實之事徒稽時日而

曠居諸至於道途遠近之數該通糧屬仍應
核明確不許以近作遠旣悞事機且糜脚價
也一漕斛之規例宜存也查得漕糧起運
俱加二五進倉不惟取足尖耗亦且節縮耗
所謂門斛者是也且舊例每石水運脚價每
百里僅三四分嗣因陸運艱難每石十里卽
脚價一分三釐今又加五釐共一分八釐不
厚矣若只照平斛入倉恐壞舊例亦復多費
價漕事重大將來輸輓事同一體一壞則

救藥亦政不得作法於涼也今議所運米石
准以一石二斗爲額去五升以示寬加二斗以
存羊庶漕例脚值兩有攸賴耳一倉庾之緩急
宜酌也查得京通兩倉俱係軍需儲蓄重地而
當此兵集費夥之時京庾待用尤急今日僭擬
次第務須先儘京倉卽在京六倉西新北新俱
遠尤恐跋涉太費紆迴姑且就近分派於舊太
南新海運祿米四倉車畜繇潞河而西直抵
朝陽門徑交納派定倉分不許仍循往例在大通

橋歇肩稍俟日暖冰漸水運可通其餘兩倉
許與通倉併運此目下變通之微權也一搬運
之折損宜恤也查得官旗守凍原爲法所不
似難槩爲假借以開效尤之端但自虜驚突
所有河干漕米如河西務一帶多藉官旗之
業已運入附近城堡矣若又勒令進倉交納
但倉役需索亦且晒颺守候寧不愈折而愈
乎今議每米一石量免晒颺五升正兌止以
石二斗爲額改兌止以一石一斗二升爲額

到隨收令司倉有自爲晒颺另作銷算如隨晒
支放者不准開耗如挨輸入厥者合於前項
內減去五升以作晒颺之費其各官旗交不
數者仍以掛欠論其河干凍糧原未入城者
不在此限斯亦軫恤官旗因時制宜不得不
者也一押運之委任宜專也查得船車等役
有管轄之司雖偷盜虧折從來積弊而官法
得以繩之若五城及各州縣應募車夫俱係
四方襍集萬一乘遠道而肆侵漁將何所稽察乎

卽勲戚文武其家法清肅固有素矣而地位尊
處其尊貴卽厠隸亦與常人不同而駕馭管轄
似亦未可容易言者今議五城各州縣務令
差官吏管押自領自交不許推卸其車輛數
者仍須各委佐領一員親臨水次以資督發
範之用至於勲戚等車亦求責差的當家丁
三名同臣部委官協心共事方可免他虞而
事務耳凡此皆儻運之急着須借

明旨申飭責成以便遵行者也然臣因是而猶有

焉夫倉場督臣所以提衡司屬而總漕運之職者也而巡倉御史不更以豸繡而示彈壓之威者乎繇來漕輓兩官並重今幸總倉尚書孫廷相實心任事加意綜覈自當得其同舟之助但巡倉御史自羅萬爵被降之後尚未差遣今陸運方殷此何時也而猶可姑待哉所當特請審裁勅都察院速行題差刻日受事者也

崇禎三年正月初七日具

題本月初九日奉

聖旨各款依議飭行欽此

奉 旨開報軍興錢糧疏

題爲奉

旨開報軍興錢糧事崇禎二年十二月二十三日
奉

上傳戶部軍興城守糧料等項一應本折色錢糧
放總撤數目詳開具奏欽此該臣等看得軍興錢
糧頭緒多端未可咄嗟清楚具疏奏

聞仰懇

聖恩寬限續奉

聖旨芻餉頭緒繁多司官分任管理俟查明開奏
實兵數嚴禁虛糜兵部不時諭飭該衙門知道
此除米豆行各倉司草束行各場官催令作
造報容冊揭俱齊另疏

奏繳外查得臣部出納金錢原有太倉銀庫九年
例各官俸糧及

都城一應襍支皆貯於此又有新餉銀庫專爲
事而設凡加派雜徵等銀皆貯於此自開庫
諸費浩繁奉有新舊通融之

旨而兩庫所有總供軍興之用矣今恪遵

上傳嚴督兩庫經管司官主事馮世熙陳觀陽自崇
禎二年十月二十八日起至本年十二月三十
日止將兩庫一應收放之數分別管收除在造
冊見在恭塵

御覽又兵事甚急兩庫隔遠呼應稍艱查臣衙門堂
廡之南原有廊庫數椽貯有零星寄庫贓銀及
各役柴須工食等項臣特遴委司官管理續取
兩庫銀貯之以備緩急不時之需今照支放款

目仍附兩庫冊內開銷以免更端煩瑣又各衙門助餉銀兩陸續收貯廊庫備用者亦另列款以免遺漏又寶泉局

制錢陸續取入廊庫者亦附入廊庫內開銷總計自軍興以來實支過銀一百零五萬一千九百八十三兩一分一釐零錢折銀二萬二千六百七十四兩九錢四釐零內除太倉庫各鎮年例銀二十三萬一千兩襍支等項銀二十二萬五千一百三十一兩三錢七分零又除新餉庫發過

外鎮月餉等銀一十三萬四千一百二兩九錢
一分零發過補還工部崔產銀六千四百八十
八兩九錢額支紙張工食等銀三百三十兩以
上原係額支不在軍興之內又事例一項或應
分工部或借與工部太倉俱作實收實放計銀
一萬七千八百一十七兩臣部原未霑分毫者
用其實實爲軍興用者止銀四十五萬四千九
百三十兩五錢二分三釐零錢折銀二萬二千
六百七十四兩九錢四釐零臚列之款項似不

多支用之節目實甚襍以城守官軍言有鹽
銀有米折銀有料草銀有薑椒銀有煤炭銀
有巡軍門軍勇士民夫鹽菜銀以援兵言將領
有廩糧銀家丁有口糧銀士卒有鹽菜銀新募
各兵又加月糧銀以發運言米豆草束皆有運
價銀以熟食言有燒餅銀有烘炒銀有熟肉銀
有燒酒黃酒銀以召買言有豆價銀有口袋銀
以使令言有發運委官口糧銀蓋自軍興以來
環堞而守傍城而居者無一人不待哺于臣

呈領充棟疾呼盈耳令人應接不暇扣至崇禎
二年十二月三十日止合之尚有實在銀五萬
六千二百五十四兩八錢五分三釐錢折銀一
千三百七十三兩一錢五分零而發解各鎮道
梗運回之寄庫銀俱在其內太倉等庫二百六
十餘年之積貯一旦成空今春正又過六日援
兵鹽菜冊領頻投河干凍糧腳價急需實在之
數又復陸續支放矣且所謂實在者亦非積之
有餘發之可緩者也如三大營城守官軍口糧

鹽菜并馬匹行糧料草自十二月二十八日
至正月初二日止約該銀二萬八千餘兩尚未
支也三大營十一十二兩月馬匹料草總該折
色銀三萬二千餘兩昨因匱乏之極移咨總提
協稍寬旬日以待新正外解之至尚未支也兵
部犒賞銀一萬五千兩留滯三河續爲薊遼總
督取作軍餉之用奉

旨臣部補還尚未補也又京衛各官絹俸每年該銀
四萬一千餘兩前經題奉

言暫緩并各官俸銀俱蒙

旨暫停若盡給發則臣部久無錙銖之存矣其他零星索取周全責備者尚難枚舉而數計也目今道路暫通九邊懸望懼茲多口側有煩言固臣所應受者夫復何辭第皮骨膚髮臣矢不敢惜而淘金點鐵臣一無所能迄今苟延兩月得免斧鉞之誅皆賴

皇上覆載之恩曲爲寬宥每一念及莫報

高深惟是異常匱乏之狀目前需費之多赤手空拳

何以支應臣終不知其死所也謹因恭

進庫冊略陳臣部之苦戎事方亟輒稱匱乏皆
持籌無術所致臣有席藁待罪而已臣無任
栗哀籲之至

崇禎三年正月初七日具

題本月初九日奉

聖旨支放餉銀數知道了其間頭緒甚多卿還悉
磨對勿令重複詭冒軍興正繁費用不敷著悉
計具奏該部知道欽此